

اولان ارکان مهمه دیندندر. هر حربه مسامینک دفع صائل ایده جک مقداری بقیه افراد مسلمین اوزرنده کی فرضی اسقاط ایدرلر .
 حربه اشتراک ایدنلر دائماً لا اقل ضعفلی مقدارنده کی قوتلره قارشی ثبات ومقاومتله ، یا اولمک یا نائل فتح اولقله مکلفدرلر . فرار ایتملری اعظم کبائر دندر . مهابت اسلامی قلوب اعدایه چاره سز القا ایده جک اولان بو حکم شرعی به تبعیت ایدنلر البته بوامتک کوزبکی صایله جق بختیاراندندر . لکن ارقداشلیرنک انهمانه قارشی قلبنده آتش حماسه دوبالا اولوب ده ینه دشمنه صالدرانلر ، یا اولوب رذالت انهمامک نتایجی کورمه مک ویا صاغ قلوب نائل فتح اولق عزم شدیدله کنیدیلمی آتسه آتاملر البته کنیدیلمی بوحیات مستعاری بخش ایدن الله عظیم الشانک السوکیلی قوللری میاننه داخل اولورلر .
 جاهلی وغافل اولدیغمز شریعت مطهره احمدیه ایشته بویله در . دینم صالح وسلام دینی اولدینی حالده جهادی فرائض دینه نک ایلک صفنه ادخال ایتمی ینه اسلامک پایدار اوله بیلمسی ایچوند . صاحب شریعت اسلامه اسلامدن باشقه دوست اوله میه جغنی جهاد حقنده کی اوامریله بیلدیردی . نته کیم بیک اوچینوز سنه لک تجربه ده بونی کوستردی . مسلمانلرک دنیاده دوستلری وارسه البته ینه مسامانلردر . اوده طبیعی حال تفرقه ده اولمادقلری ، بربرینی ییمه دکاری زمان . برحقایق دینه نک کافه سندن غفلت ایتدیلمز کی بوقدر بسیط بر حرکتندن ده غفلت ایتیمز . هم کنیدی آرامزده تخم نفاق وتفرقه ا کمدکن خالی قالمیورز ، هم اسباب مدافعه می تهیه وتدارکن فارغ طور یورز . ایشته نمونه سی میدانده ! حربدن اولکی تفاخرات مغرورانه من ایکی هفته ایچنده بوتون روم ایلی بی دشمنک مریدار آیاغنه چیکتمکدن ، ضعفامزک مال وجان وعرضی دشمنه غصب وهتک ایتدیرمکدن ، مساجدمزه صلیب آصدیرمقدن منع ایده مدی . بوکون کنیدی بیلن برمسلمان قیزارمه دن ، حیا ایتمه دن انسانلر ایچنه قاریشوب کزه میور . ادرنه ، اشقودره ، یانیه ، چتالجه مدافعاتی ، اگر نصیب ایسه بوندن صوکره کی موفقیتلریله دونه قدر حوزة اسلامه داخل اولان اکثر روم ایلی ولایاتنک دوش فخرنده رایت اسلامک ، سوکیلی هلالک تموج ایتدیلمی احتمال که آرتق کورمه جکدر . بونک سبی ؟ ... اداره سزلک ، وقتسز تجاوز ، ارزاق نقصانی ، اسلحه وجبخانه فقدانی ، جبانته ، افراد ایله ضابطان آراسنده امنیت سزلک وامتراج سزلق ، هر نه دیرسه کنز دییکز ، خلاصه سی (واعذوا لهم ...) امر جلیله مخالفتدن عبارتدر . بز شریعتسز مسلمان اولق ایستیورز . شریعتسز مسلمان اولمه نک ده اک اهون عاقبتی ایشته بویله بویوک بر رذالتدر .

مع مافیه بزده بر بقیه ایمان ، بر غیرت دین قالمش ایسه هزیمتلمزک تفصیل اسبابی ، بونلردن کیملرک نه راده یه قدر مسؤل اوله جغنی آتیده دوشونه لم ده بوحديث شریف نبوی موجبجه بر حمله حماسه ده کوستره لم . ملک اسلامی تماماً قورتارمق میسر دکلسه بیله هیچ اولمازسه ناموس اسلامی قورتارالم . مغلوبیت حالتده بیله دشمنمزه

مهالک بر عنصر جلادت اولدیغمزی کوستره لم . ناموسی قورتاردقندن صوکرده نشاند موفقیات ومظفاریات سابقه نیلری ایله کندمزی اویوتمقدن واز کچم . ادرنه نک ، اشقودره نک ، یانیه نک ، چتالجه نک بزه اهدا ایتدیلمی شانلی هاله لری بر طرفه آتالم ده قرق کلیسا ، قومانونوا ، لوله بورغاز هزیمتلی ، سلانیک فاجعه رذالتی بزی هر آن ایقناز ایتسون . بوکونلرک یاد حزن افزایی قلبمزی داغلاسون . بواسملر آکیلکجه بینمزی یالسون . بونلرک اسباب وعواملی آراشدیروب کتابلر طولوسی ونائق طویلا یه لم ده بونناقه اک عالملمزدن طوتکیزده اک جاهللمزده قدر جمله نک سینه اهتمامنده یک بویوک بر پایه اعتنا ویره لم . شبهه سز چوق خطالمزی دیگمز ، یورولماز بر عزم وثبات ایله تصحیح ایده لم . کوه زلک دوره سنی قاپایه لم ده آرتق ایشه باشلایلم . زیرا آرتق موضوع بحث اولان ناموسدر . بقیه ملکمزله برابر الدن کیده جک اولان دیندر .

احمد نعیم

مَقَالَات

حسب حال

أوت ، یار جانم فخرالدین کی ، کالک اودستور حکمتی بنده
 اخطار ایده جکم ؛ بنده تکرار ایده جکم :
 فلکدن انتقام آلمق دیمکدر اهل ادرا که ،
 ایدوب تزید غیرت مستفید اولمق ندامتدن .

ای جماعت مسلمین ! شوصوک اسلام یوردینی چپ چوره قوشاتان
 قائلی فلاکتلر یوقی ؟ ایشته اونلر بزم کنیدی یوزیمزدن ، اوت ،
 هیچ کیمسه نک دکل ، هپ بزم کنیدی یوزیمزدن میدان کلدی . ظن
 ایدرم که بو حقیقتی دوشونه میه جک قدر سرنم ؛ ده ها طوغروسی
 اورته ده کی فحیه لک قارشیمزه کجوب ملعون ملعون صیریتان سبیلرینی
 کورمه میه جک درجه ده کور دکلز . اویله ایسه هر بریمز یالکیز یورکنک
 یاندیغی دکل ، وجداننک ده ندامت عذابیه قیوراندیغی حس ایدیور
 دیمکدر .

اگر بوتون مسلمانلرک وجداننده کی بوندامت دویغوسی دیگر حسیاتک
 هپسنه غلبه ایتش ایسه استقبالی اولسون قورتارمق قابلدنر . یوق ، حالا
 شونی بونی محکوم ایدیورمکه ایشک ایچندن صیریلدق ظننه قاپیلهرق
 اسکی عنادیمزدن ، اسکی شقاقمزدن ، اسکی نفاقمزدن واز کچمزه سک
 بوکونی ده یاریندن آرایه جغمزه هیچ شبهه ایتمه ملی بز .

طوتولان یولک بوکونکی اوچورومه حقیقه جغنی بوندن سنه لرحه
 اول بزه سویله ینلر ، هم یک قطعی سویله ینلر اولدی . لکن بزاونلره
 اینانماقد ؛ نصیحتلرینه قولاق ویرمدک . حتی بیچاره لک هر بری برر
 صورتله اتهام ایتدک ! نه ایسه ، ماضی بی بر طرفه براقلم . چونکه

بزه يك اعلا مفيد اوله بيلير . لکن بوندن صـ و کره کی ، معاذالله صوک
پشیمانلق اولور که هیچ فائده ایتمز . ربنا آتانی الدنيا حسنة وفي الآخرة
حسنه . محمد عا کف

محقق ایله مقلدک محاوره سی

برنجی محاوره

عموم مسلمانلرک احوالی حقنده

اسلامده سلف وخلف - اصلاحات ایچون هانکیسنک مسلمانلرک اختیار
ایتملی - انسان مدنی، انسان منطقی - حال حاضرده مسلمانلرک بدبختلی - بونک
اوزرینه دلیل - جغرافیا کتابلریله غزتهلرک موثوقیتی - کافرلرک روایتی -
تواتر - فساد زمان و قیامتک یقین اوله سی - اشراط ساعت حقنده صروی
اولان شیلرده شبهه - ملت اسلامیتهک مبتلا اولدیغی مرضک سببی شریعتی ترک
ایتمک اولدیغی - مهدی چیتمدیجه مسلمانلرک غیر قابل اصلاح اولمسی فکری -
قیامت نه زمان قویهجق - مهدی یی انکار - اسلامک اصلاحی توحید مذاهب
ایله در .

بوعنوان ایله نشرایده حکمز سلسله مقالاتده ملت اسلامیتهک سعادت
و سلامتی ایچون چالیشان ؛ بولندقلری شو حال اسف اشتالدن تخلیص
ایدیله رک اصلاح اولمسی ایچون مبتلا اولدیغی تقالید حادثه دن چیقاراق
کتاب عزیزک، سنت صحیحهک، سیرت سلفک کوسرتدیگی بوله اقتبصار، و
تکالیفی تکثیرایله اولنری اذهان بشرک قبول ایدمهجهکی برطرزده ابراز،
غلو فی الدین کی خلفک زیاده ایش بولدیغی شیئک هپسینی حذف ایدرک
دینک حال اصلی و بساطت اولیه سنه رجوع واجب اولدیغنه ذاهب اولان
بر محقق ذی فـون ایله یک چوق زمانلردنبری ملتک مبتلا اولدیغی
بلای تقلیدی محافظه ایتمک طرفداری اولوب کتاب وسنتله عمل یالکیز
مجتهدینه مخصوص و اونلرک منقرض اولمسیله بشقه سنکده وجودی محال
اولمسنه ، کتب متأخرینک کتب متقدمین دن خیرلی و جمعیتلی ، تحصیل
اعتباریلده غایت مفید ، صوک درجه نافع اولدقلرینه معتقد اولان بر
مقلد اختیار واعظک محاوره سنی قارئین کرامه عرض ایدمهجهکی .
علماء ، فناء ، فکر آیکدیگرینه طبان طبانه ضد اولان شواکی ذاتک
محاوره سی بز مسلمانلره یک بیوک حقیقتلر آکلاته جغندن اون درت
اون بش قدر مقاله تشکیل ایدمهجک اولان شو محاوره لری نهایت قدر
دقتله تعقیب ایتملری قارئین کرامه خالصانه اوله رق توصیه اولنور .

برکون بر آرزقه بیلوب واعظلقده کسب شهرت ایدن بر اختیار
خواجه ایله علوم دینیه وفون حاضره یی تماماً کنیدیسنده جمع ایدن،
بونکله برابر سعی وغیرتی سایه سنده هم زنکیکن ، هم ده بیوک بر مأموریت
صاحبی اولان - ذاتاً بویله اولماسه فاضل اختیار بونکله محاوره یه تنزل بیه
ایتمزدی - کنج بر محقق بر طرفده بولنیورلردی ؛ شیخ مقلد ،
کنج محققه طـوغری توجه ایتمدی ؛ برده باقدی که غایت مغموم ؛
صانکه نفسنه ، مائه ، اهل وعیانه بر مصیبت کلش کی یوزنده
علائم حزن ظاهر اولیوردی . بونک اوزرینه « شیخ مقلد » دیدی که :
— سکا نه اولیور ؛ زیرا بوکون سنی اولکی کی کورمیورم ؛ بن ،

اولان اولدی . « قرق نصیحتدن بر مصیبت یکدر » دیرلر . بز بردکل ،
بیگلرجه مصیبت کوردک ؛ حالاده کورو یورز . باری بوندن صوکره
اولسون کوزلری میز آچلم ؛ بوندن بویله اولسون عقمیزی باشمزه
آلم .

ای جماعت مسلمین ! دوکولن قانلر ، یاقیلان جانلر ، سوندو .
رولن خانلار ، کول اولان سامانلر ، پایمال ایدیان عرضلر ، آیقلر
آلتده قالان ناموسلر ، دشمن آیغیله چیکنه نن یوردلر ، سفالتلرک
اک مدهشی ایچنده اولومنی بکله یی طوللر ، یتیملر ، قادینلر اوقدر
چوق ، اوقدر چوق که هپسینی شویله طورسون ، بیکنده برنجی دوشو .
نه بیهجک بین ایچون چیلدی رماقی قابل دکل !

آرتیق الله ایچون اولسون بر بریمزله اوغراشمقدن وازکچلم .
آرتیق بوفرقلره ، بو ملعون تفرقلره نهایت ویرهلم . بیلدیورسکیز که
شرقله ، غربده ، شمالده ، جنوبده نه قدر مسلمان وارسه هپسینی
محکوم ؛ همده محکومیتلرک اک ذیلی ، اک سفیلی ایله محکوم ! ایشته
او زوالیلرک شیمدیلک دینلرینی اولسون محافظه ایدمه ییلملری ده شو
حکومت سایه سنده در . معاذالله بو حکومت ، بو صوک مسلمان
حکومتی ده بیقیلهجق اولورسه روسیه ده کی ، چینده کی ، هندده کی
جاواده کی ، الحاصل دنیانک هر یرنده کی یوزلرجه میلیون مسلمان
آرتیق دیننه صاحب اوله مایه جق . اوزمان بز یالکیز کنیدی و بالمری
دکل ، درت یوز میلیون عباداللهک و بالی ده یوکنه جکیز ! نه دنیایی
کورهجک کوزیمز ، نه حضور رب العالمینه چیه جق یوزیمز قالمایه جق !
باقیکیز بر بریمزله اوغراشه اوغراشه نه حاله کلدک ! باقیکیز داخلی
محاربات ایله عسکریمیزی نه حاله کتیردک ! او یله یا ، اللهدن صوکره
یکانه استنادکاهمز اولان اوقوجه اردویی سنه لردن بریدر عصیان
باصدیرمایه ؛ مملکتده قول قول اولمش تفرقه یانغینلرینی سوندورمه یه
مجبور ایتمک اضطرارنده قالماسه یدق ، هیچ عسکریمز ایچون بویله
بر موفقیتسنزلک تصور اولنه بیلیمیزی ایدی ؟

ای جماعت مسلمین ! بز دشمنلریمزک قوه کلیه سی پریشان ایتمدی ؛
بلکه اونلرک طلیعه لری باشمزه بوفلا کتی کتیردی . او طلیعه نه ایدی
بیایورمیسکیز ؟ اردولردن - سنه لرجه - اول حدودیمزک داخلنه
صوقدقلری تفرقه ایدی . بز کوزیمیزی آچوب اون تپه له مدکدن
باشقه بالعکس بوتون قوتیمزله اوکا ظهیر اولدق . کنیدی سونکومیزی
کندیمره چویردک ! بوکون بز کنیدیمرک ، کنیدی سیئاتیمزک مغلوبی یز .

ای جماعت مسلمین ! حکومتی کنیدی حالنه براقیکیز ، حربی
ایدمهجک ، صلحی یاهجق ، هانکیسی خیرلی ایسه اوکا قرار ویرسون .
یالکیز ، کلک بزلر کنیدی آره مزده ایدی بر صلح عقد ایدلم . یوقسه
بو حال ایله یاشامه نک امکائی قالمادی . بر بریمزله باریشمازسه ق ؛ حرب
خارجی بیتریتیمز داخلی محارباته - بر معتاد - دوام ایدرسه ک ؛ شو
فلا کتلردن ده عبرت آله رق ال برلکیله چالیشمازسه ق ؛ اللهک دست
انتقامی اسارت ابدیه دامغاسنی آلمزه اوره جقدر . بوکونکی ندامتمز